

SHWBIZ KLIP

BON DIA

Aruba

Un anochi memorable ta wordo immortalisa cu e album di nos Festival di Tumba 2009

Ave ta subi mercado e tan spera Album di Festival di Tumba Aruba 2009 cu ta un compilacion di e anochi di nos Festival di Tumba di e aña'ki cu a wordo graba pa IQ Music Lab, claro cu consentimiento di e lideman di banda, e cantantenan, compositor y areglista.

Tin un total di 10 Tumba riba e album aki di cual ta inclui e Tumba ganador esta Anoushka Odor-J'dor cu su tumba titula "Djaki", ademas di dje tin e cuatro (4) finalistanan y 5 tumba mas cu si tabatin premio pa nan nan lo tabata den e lista di finalistanan y eventualmente premiacion.

Entre otro riba e album aki ta aparece e tan comenta Chendell

Beaumont compaña pa Crioyo Boy's cu a duna catedra di Tumba e anochi ey, Richard Tattoo Quandt cu tabata compaña pa Zeta Band y cu porcierto a resulta finalista, Rodrick Franken ex Rey di Tumba compaña pa Prive cu tambe a resulta finalista, e simpatica Ruth "Zuikerietje" Gravenhorst cu tambe a cay den e premiacion di e anochi, Chicho Kock cu a wordo compaña pa Zeta Band, Jerrino "Baas" Ridderstap tambe t ariba dje compaña pa Search, Eugene "Ush" Alberts cu tambe tabatin un bon tumba compaña pa Eyes Band, Cesar Olarte a presenta cu Super Orquesta Quasi 4 Life cu tabata un tributo na su mentor



Meiler Laurends (q.e.p.d) y Ossy Tromp cu tabata tremendo cu su delco riba e anochi di e festival compaña pa Robert y su Solo Banda.

Nos ta spera cu e pueblo di Aruba lo sa di apoya e CD / album / produccion aki mescos cu e anochi di nos Festival di Tumba. Mster menciona si cu produccion aki ta obtenibel na tur CD shop y na oficina di S.A.C.

